

W.E.B. LO BIRA N.V. DI 70 MIYON DEN E PLANTA

ORANJESTAD (AAN)
Relaciona cu plan di desaroyo pa loque ta trata W.E.B., Prome Ministro Nelson Oduber a bisa cu gobierno a pone su hendenan traha kico exactamente cu tin den e plan nacional di desaroyo mester sosode cu W.E.B. den e proximo cinco añanan.

Ministro Oduber a bisa cu gobierno a cumpra tres planta di awa cada uno di 6 mil ton na valor di 15 miyon florin cada uno y e ultimo ta bin awor aki den operacion 31 di December e aña aki.

Gobierno tin areglo cu Europese Investeringsbank pa 13 miyon florin y e areglo ta cla solamente gobierno mester bay e proceso pa comberti W.E.B. den un N.V.

W.E.B. tin den e proceso e tanki di Alto Vista y e tanki cu tin den huur for di Exxon riba tereno di waaf cu gobierno a renova pa mas o menos 1/2 miyon florin pa yuda e presion na Oranjestad.

Segun Prome Ministro Oduber mester bin inversionnan grandi den W.E.B., e suma cu tabata tin calcula pa inverti den W.E.B. awor aki directo ta 70 miyon florin na renobacion y expansion di

loque tin pa sigura Aruba pa e proximo 5 añanan suministracion continua di awa y coriente.

Prome Ministro Oduber a bisa cu gobierno a laga KEMA y DHV mira henter e proceso despues cu un Ingeniero Emanelson a bin waak na un manera critico locual cu gobierno kier inverti den W.E.B. el a bisa cu e Aruba no mester di 70 miyon pero alrededor di 100 miyon florin. E motivo ta cu den pasado a reserva den presupuestonan di W.E.B. solamente riba papel pero no a reserva pa reemplaza por ehempel e turbinanan cu tin den W.E.B. cu ta di aña 1955 y ora cu cumpra un turbina nobo awor aki e proceso pa pidi oferta tene destaho publico y despues ordo e turbina cu ta dura 36 luna prome cu bo por haye na Aruba pa pone den operacion, kier meen cu e unico alternativa cu Aruba tin ta renobacion cu un garantia manera un compania Americano a yega di haci estudio pa gobierno cu duracion mas o menos 10 aña esey ta pa loque ta trata e asunto di planta di awa y electricidad.